

ЛЕНИНЭНЬ КИЯВА

ВКП(б)-нь Клявлинань Райкомонтъ ды трудицянъ депутатнэнь районной Советэнтъ газетаст

1940 иень
маень
 1-це чи
 38 (436) №
 Лиса 10-це ие
 Вейне №-нтъ
 питнезэ 8 тр.

Шумбра улезэ Маень 1-це чись—робочей классонь революционной вийтнень боевой ванномась! Весе мастортнэнь пролетарийтне, пурнаводо вейс!

Маень васенце чись

Ведькемень иень ютазь, 1890 иень маень 1-це чистэ, Европань крупнейшей оштнесэ васенцеде ульнесь праздновазь пролетарской маевкась. Робочей демонстрациятнень якстере знаменаст лангсо ульнесь сермадозь боевой революционной лозунг: „Весе мастортнэнь пролетарийтне, пурнаводо вейс!“

„Те чинь зрелищась—сермадсь васень маевкань участникесь Фридрих Энгельс,—невтсь весе мастортнэнь капиталистнэнь ды землевладелецтнэнь, што весе мастортнэнь пролетарийтне течи действительна соединились.“

О, бути бу Маркс улевель ней рядом монь марто, штобу веємс теень эсензэ сельмесэ!“

Пель пинге уш празднувать пролетарийтне Маень 1-це чиньт.

Робочейтнень солидарностень великой идеянт не могли маштомс а полицейской репрессиятне, а социал-оппортунистнэнь предательстваст ды изменаст. Первомайской праздникесь теевсь трудонтъ ды ломаненть освобождениянь символкс, свободань символкс, конанть (свободанть) канды весе человечестванть робочей классось.

Весе народтнэнь туртов свободной, коммунистической обществань прообразокс сави Советской Социалистической Республикатнень Союзось. Минек масторсо победили социалистической революциянь великой ды благодарной идеятне, сынъ теевсь минек читнень чудесной явокс. Советской Союзонь оштнень ды велетнень ульясост ды площадьсест течи первомайской знаменатнень ало выступают ломать, конатне теевсь полновластной хозяйнякс эсест трудост ды весе снопавкс читнень лангсо, конатнень создают сынсь.

Маень 1-це чинь праздникесь—минек масторонтъ успешензэ ды достижен-



ДЕНЬ НЕРУШИМОЙ ИНТЕРНАЦИОНАЛЬНОЙ СВЯЗИ С ТРУДЯЩИМИСЯ ВСЕГО МИРА!

Рисункась В. Барковонь ды В. Лисевичень

ТАСС-нь фото-кляше.

янзо учетонь чи. Вадря советской традициянтъ коряс, те праздничной чистэнтъ минек мелесь сосредоточивается очередной задачатнень лангскак. Роботамс ванды седе парсте чем течи, кепедемс трудонь производительностенть, ванстомс советской добравть, кемекстамс родинанть политической ды хозяйственной мощензэ, кемекстамс сонзэ оборонанзо—тенень тердить минек первомайской праздникентъ лозунгонзо.

Весе мирэнь трудицятне велькеменце маевканть вастыть омбоце империалистической войнань обстановкасо. Те войнань стака чись, конась теезь банкротнэнь ды пушечной корольтнень интересэст кис, прась капиталистической государстватнень робочеест ды крестьяност

лавтомост лангс. Войнась ливтизе лангс капитализманть зверень лицянзо, сон сопровождається реакциянтъ свирелой походокс робочей классонть ды трудовой крестьянстванть лангс, политической притеснениятнень касомасо, робочей чинть касомасо, трудицятнень материальной уровняст алканьгавтомасо. Ды весе те капиталистнэнь ды помещиктнень жадной уробаст пештямост туртов!

Маень 1-це чись—интернациональной чи. Советской ломатне, конатне вернойть пролетарской интернационализманть, малас примить эсест седе эзэст стака эрямонтъ, конань лангс обречент капиталистической мастортнэзэ сядот миллионт трудиятне ды сынт семияст. Маень 1-це чистэ советской ломатнень мысляст

ды чувстваст весе труженниктнень ды угнетеннойтнень марто, кодамо бу масторсо сынъ авольть уле, кодамо расас ды нацияс сынъ ни принадлежали. Те чистэнтъ минек мыслянок ды чувстванок весе марто, кие бороци человеческой ды гражданской праватнень кис, кие бороци капитализманть каршо, социалистической революциянтъ кис.

Советской Союзось макс блестящей образец эсензэ интернациональной долгонть топавтомасо, олякстомтынзе Западной Украинань ды Западной Белоруссиянь трудицятнень польской пантнэнь гнетост алдо ды примивзе олякстомтозь братнэнь эсензэ семьяс. Те минек масторонтъ покш исторической победазо, конась кепедизе ды кемекстызе сонзэ велсензэ, сонзэ авторитетэнзэ весе трудовой мирсэнть капитализмань ендо весе угнетенной ды порабоженной народтнэнь сельместикеле.

Маень 1-це чистэ Советской Союзонть рубежензэ лангсо ашти мир. Ленинско-сталинской партиянь Центральной Комитетэнтъ ды советской правительстванть мудрой политикантень минь обязант мирэнтъ кисэ, культурной ды зажи-

точной эрямонтъ кисэ, минек родинанть границавзо безопасностест кис борциямонь фронтсонть победатнесэ. Кода зярдояк, кеме ней минек масторось, кода зярдояк, сплоченнойть Советской Союзонь народтнэ большевистской партиянтъ перька, великой Сталинэнь перька.

Минь заняздыно мирной творческой трудсо, но зоркасто следятанок весементъ мельга, мезе происходит минек границатнень лангсо. Кодаткак случайность а заставясызь врасплох минек масторонтъ, минек Якстере Армиянтъ!

Ней, зярко капитализмась снартни таргамс войнань орбитас ол миллионт ломать, Советской Союзось—единственной мастор, конась ашти мирэнь ванстоманть кис, ютавты последовательной мирной полтика. Весе, кинень питнейть человечествань подлинной интереснэ, мирэнь интереснэ, надежда мартованьт минек социалистической государстванть, весе мирэнь трудицятнень отечестваст лангс.

Маень 1-це чистэ властно гайгезеви материктнень вельксса боевой, мобилизующей кличесь:

—Весе мастортнэнь пролетарийтне, пурнаводо вейс!

Роботыть по-стахановски

Ташто Соснань вельсоветэнь „Большевик“ колхозонь колхозниктне покш воодушевления марто вастызь тунда видеманть. Яровой культуратнень массовой видемась те колхойсэнть ушодовсь апрелень 23-це чистэ.

Васенце бригадань видиясь Альчин А. эрва чистэ видемань норманть топавты велькска ды види паро качества марто. Изыцятне Альчин Д., Пуризов В. истя жо норманть топавтыть велькска, норманть 3 гектартнэнь таркас сынъ изыты 4 ды седе ламо гектарт. Сокицясь Маринин Е.

норманть 0,80 гектартнэнь таркас соки 0,90 гектарт.

Трактористнэ Кожевников П., Бухаров А. культивациясо норманть топавтыть велькска. Нормась 12 гектарт, а сынъ топавтыть 14-15 ды седе ламо гектарт. Трактористэсь Ивовов И. тунда сокамосонть норманть 6,90 гектартнэнь таркас соки 7-8 гектарт. Истят ломатнеде колхойсэнть лововить ламо. Но улит истят ломанть, кода 2-це бригадань колхозниктне Понятов И. ды Бакаев К. зярдояк а топавтыть роботамонь нормаст.

А.

Шумбра улезэ Советской Союзонть внешней политиказо, кона обеспечивает народтнэнь ютксо мирэнтъ ды минек родинань безопасностенть!

ДОБЬЕМСЯ 1940 ИЕНЬ—КОЛМОЦЕ ПЯТИЛЕТКАНЬ КОЛМОЦЕ ИЕНЬ ХОЗЯЙСТВЕННОЙ ПЛАНОНТЬ ТОПАВТОМАНЗО ДЫ ВЕЛЬСКА ТОПАВТОМАНЗО!



**НАШЕ
ЛУЧШЕЕ
ОРУЖИЕ—
ОСУЩЕСТВЛЕННЫЙ ЛОЗУНГ:
ПРОЛЕТАРИИ ВСЕХ СТРАН, СОЕДИНЯЙТЕСЬ!**
(В. Маяковский)

13 № мельзаводонь робочейтне по- большевистски топавтыть обязательстватненъ

Клявлянань станцасо 13 № мельзаводонь робочейтне, служащейтне ды инженерно-технической роботниктне 1940 иень мартонь 15-це чистэ ды апрель 9-це чистэ ютавтозь митивгтнэсэ сакешнэсть эсь лангозост обязательстват топавтомс ды вельска топавтомс зернань переработкань планонть ды нолдамс ансяк паро качества продукция, кемекстамс производствасо трудовой дисциплинанть, досрочно прядомс ремонтонть, вадрялгавтомс осовахимень первичной организациянть роботанзо, вовлечь весе робочейтненъ ды служащейтненъ осовахимень ды лия добровольной организациянть членкс.

Робочейтненъ ды служащейтненъ ютксо социалистической соревнованиянть парсте организовазь ды производственной программанть вельска топавтоманзо кис по-большевистски бороцязь, мельзаводонь робочейтненъ коллективесь добовась партрезультатт зернань переработкань планонть топавтомасо.

Те иень январь ковстонть зернань переработкань планонть топавтызе—122,2 процентс, февраль ковстонть—107,7 процентс ды март ковстонть—100 процентс. Истямю ладсо васенце кварталонь прог-

раммась топавтозь весемазе 110 процентс.

Маргонь 20-це чистэ мельзаводось ульнесь лоткавтозь капитальной ремонтс. Ремонтось планонть коряс ульнесь прядозь 6 чиде икеле ды ремонтонть комиссиясь примизе удовлетворительнойкс.

Ремонтонть прядомадо мейле зернань переработкань апрельской планось топавтозь 145 процентс. Мельзаводсонть аволь аламо улить стахановецт, конат вельска топавтыть роботамонь нормаст ды весе вийсэ бороцить продукциянь качестваанзо кис. Неть ялгатненень относятся Ксенофонов, Телегин, Юрикова, Рогозин, Денисов Илья ды лият.

Парсте аравтозь робочейтненъ ды служащейтненъ ютксо политвоспитательной роботась. Агитатортнэ ютавтыть беседат антирелигиозной темас ды маень васенце чиденть. Ловнокшныть газетат, толковать СССР-нть внутренней ды международной положенийдонзо.

Стенной газетань редколлегиясь аноксты материал маень васенце чинте стенгазетань очередной номеранть нолдамонте. Газетанть нолдамосонзо активной участия примить робочейтне-стахановецтнэ.

А. Николаев

Комсь иень ютазь, 1920 иень маень 1-це чистэ, ульнесь ютавтозь всероссийской коммунистической субботник. Прекрасной идеясь—теемс трудиятненъ тундонь праздникест свободной трудонь праздникекс—принадлежит передовой робочейтненень-большевиктненень. Те идеянтъ подхватила весе масторось. Минек партиянь ЦК-нть, ВЦИК-нть ды ВЦСПС-нть обращенияос, конась ульнесь публиковазь субботникенть колмо чиде икеле, кортавань, што кемекстамс ды теемс неизбежной трудиятненъ победат насильниктненъ-богачтнэнь лангсо можна од ярмонть усиленной строительствасо, разруханть, те буржуазиянть ды сонзэ ендотеезь гражданской войнанть проклятой наследиянзо преодолениясо.

«Правда» 1920 иень первомайской передовойсэнтъ тердсь: «Россиянь трудият станоктнэс, молоткатнэс, плугтнэс, киркатнэс, койтнэс, узерегнэс! Истя жо илядо стувто винтовкадонть штык марто! Чаводо буржуазной строень синтревкснэнь ланга, седе сэрейстэ воздвигаите социализмань зданиянть!».

Великой первомайской праздникесь теевсь коммунистической трудонь грандиозной демонстрациякс. Чивалдов тундонь валкскестэнтъ кудотненъ стенаст, ульцятненъ аркаст ульнесь эрва косо понгавтнэсь плакатасо, конатне тердсть дружной ялгань трудонтень. Весе возрастонь ды профессиятненъ цератненъ ды аватненъ толласт праздничной настроениясо капшась роботас. Эрва эськельксэнтъ марявь взаимной ялгань вечкемась, весе вейкест вейкест туртов ульнесь кода бути особенно ласковойть. Веселой дружной роботась лакась эрва косо.

Московсо, Замоскворецкой районсо, субботниксэнтъ примась участия 58 тышадомо ламомать, Хамовническойсэ—малав 40 тышадомо. Кремлясо субботниксэнтъ участвовать народной комиссартнэ, ВЦИК-нть члентнэ, якстереармеецтнэ, Совнаркомонь ды ВЦИК-нть служащейтне. Роботыцятненъ ютксо ульнесь Ленин. Ильич марто роботыцятне беспокоились, кода бу сон аволисе томба плечанзо, конась ульнесь ледезь 1918 иестэ, но сон решительна мольсь каршо, зардо сонэнзэ невтнестъ тень лангс.

А сермадовикс трудовой энтузиазмасо ульнесь вельска пештызь революционной Петроградось. 165 тышадомо участвовать первомайской субботниксэнтъ! Ды те атак вант продовольствиянть пшти асато-

Комсь иень ютазь

манть ды голодонть лангс, атак вант сень лангс, што ошсонть ульнест аламо ломать, секс што Питерэнь кементь тышат передовой робочейтне бороцясть гражданской войнань фронтэсэ, ульнест кулачестванть каршо бороцямонть коряс отрядтнэсэ.

Весе республикась лездась фронтонтень.

Масторонть весе петнестэ мольсь телеграмматседе, што всероссийской субботникесь ютазь покш пол'ем марто, захватясь келей массат.

Екатеринбургсо (не й Свердловск), Верхисетской заводсо, роботась 12 тышат ломать, остатка заводтнэсэ ды фабрикантнэсэ, чугунка кинь станциянтнэсэ, эмеж пиретнэсэ—20-шка тышат ломать.

Туласо вейке робочесэ восторженна воскликнул:

—Вейке чис зяро тевть теинек! Точна кодамояк волшебства!

Рыбинскойсэ малав 20 тышат робочейтне ды советской служащейтне ютавтызь ошонть урядоманзо.

Вольск станциясо 400 ламатне 5 часовь перть грузясть 25 тышат пондт суро.

Истя ульнесь эрва косо, весе масторонгь келес. «Правдасо» вейке московской робочесэ сермадсь:

—Первомайской трудонть те чись—монь эрямосо сех вадря чи.

Капитализмань условиянтнэсэ трудось подневолен, трудиятне роботыть эсест поработителест—капиталистнэнь лангс.

Советской властесэ олякстомтызе трудонгь, теизе сонзэ разумнойкс. Советской властенъ эрямонь васень чигнестэ уш минек масторонь передовой робочейтне чаркодизь олякстомтозь трудонть весе значениянзо, весе виензэ ды радостензэ.

Ленин нейсь подлинно

коммунистической явления сеньстэ, што рядовой робочейтне кармасть добровольно максомо эсест трудост общегосударственной теветненъ. Ленин тень назвал великой починэкс, тылсэ робочейтненъ героизмакс.

Статьясонть, конась посвященной всероссийской коммунистической субботникентень, Ленин сермадсь:

«Ды минь макстанок вейкенек вейкенек туртов торжественной ды кеме обещаания, што минь аноктанок любой жертватнес, што минь устоим ды выдержим те самой стака бороцямонть, бороцямонть привычань виенть каршо, што минь карматанок роботамо иеть ды кементь иеть кедень-пильгень атак нолда.

Минь карматанок роботамо... штобу вводить постепенна, но неуклонна коммунистической дисциплина коммунистической трудс» (Ленин, XXV том, 256 стр.).

Се шкастонть, кода ульнест сермадозь неть валтнэ, ютасть комсь иеть. Трудонтень се величественной порывенть, конась 20 иень ютазь теевсь грандиозной первомайской субботникекс, Ленинэнь—Сталинэнь партиясь кемекстызе аволь ансяк весе ютазь периодонть перть, но реализовизеяк сонзэ сталинской пятилеткатненъ блестящей победатнэсэ, теизе сонзэ всенародной социалистической соревнованиякс.

Стахановской движениясэ—те социалистической соревнованиянъ од высшей этап. Стахановецтнэ—те советской народонть цветэз, неть сталинской ученикть. Минек масторсо сядест сядат тышат, снъ свято ванстыть коммунистической субботниктненъ славной традицияст, мольть коммунистической обществань строительтненъ васень рятнэсэ.

И. Кирюшкин

Советской союзонь оштнэва



Горький ошсо Культурань улиясонть од кудось. Фотось П. Вознесенскоень ТАСС-онь фото-клише.

Колхозникть ды колхозницат! Бороцядо тунда видеманть образцовойста
 прядоманзо нис ды сэрей урожаенть нис! Немекстадо колхозтнэнь
 общественной хозяйстваст! Шумбра улезэ колхозтнэнь ды
 колхозниктнэнь зажиточной ды культурной эрямост!

Сайдянок сэрей урожай

Минек колхозонь колхозниктне покш энтузиазма марто анокстасть яровойтнэнь видеманте. Эрвейкень эйсэ ульнесь бажамо — саемс те иестэ сэрей урожай. Кода кармасть ловось соламо паксястонть минь карминек следямо почванть кенереманзо мельга. Апрельень 12-це чистэ минек колхозонь кавонест бригадатне листь сокамо ды мейле кармасть изамо.

Васняк минь изынек зябонтъ ды мейле кундынек ранней яровойтнэнь виде-ме. Паксянь роботатнэнь васень читнестэ колхозниктне кармасть выполнять ды перевыполнять норматнэнь. Колхозникесь — звеньевоесь Сопляков Яков 11 рядной сеялкасо эрва чистэ видиль 7 гектар, Лукьянов Тихон — 7 гектар, Маринин Иван — 7 гектар, Оконников Александр — 6 гектар. Изыцятне Сопляков Сергей изыль 8,52 гектар, Мокшанов Василий — 6 гектар, Буравова Мария Ивановна норманзо топавтыль 136 процентс, Евдокимов Павел — 180 процентс.

Весе роботатне ютавтовь звенасо. Весемезэ организовазь колхойсэнтъ 8 звенат. Эрва звенась роботась эсь участканзо лангсо, теньсэ минь добились сень, што звенань эрва членэсь примась активной участия тунда видемансонть ды эрвейке бороцясь качестванть кис.

Тунда видемасонть колхозниктнэнь активной участияст пингстэ минек колхозось ранней яровойтнэнь видеманть прядызе 6 чис. Весемезэ видезь ранней яровойть 285 гектар. Истя жо авокстазь почвасть технической культуратнэнь алов.

Сэрей урожаенть кис бороцямонть не ограничиваем ансяк тунда видеманть шкастонзо ютавтомасонть, минь истя жо применяем передовой агротехниканть. Ютавтынек яровизация: товзюро 95 центнерт, пинеме 45 центнерт. Протравили товзюро коське способсо 95 центнерт, термической способсо — 35, пинеме 45 центнерт. Внесли озимойтнэнь подкормка 2 гектар лангс, изазь озимть — 10 гектар, ускозь навоз 875 улавт.

Минек колхозось те иесте види эмежте 3 гектар ды бахчань культурат 4 гектар, конатнэнь мельга организоватанок паро уход. Сэрей урожаенть саеманть кис минек колхозонть улятть весе возможностензэ ды тень минь добьемся.

Животноводстванть коряс минек колхозось кандсь заявления ВСХВ сэ участиянтъ кис. Минь обяуемся еще седеяк пек развить колхозной общественной животноводстванть. Апрельень 1-це чис ревен фермасо поголовьясь пачкодсь 599 пряс, МТФ-нь поголовьясь — 64 пряс, сынт эйстэ потявтомаскалт 11 прят, СТФ-нь поголовьясь 115 прят. Животноводстванть обеспечим кормовой базасо.

Колхозниктнэнь ютксо ютавтовсь массовой робота. Агитатортнэ Строев Ф. С., Альчин Николай, Белянов И. П. ялгатне эрва чиста ловыльте газетат колхозниктнэнь. Течи минь эсинек ударниктнэнь паро роботанть кис премировасынек.

Колхозонь председателесь Н. Д. Инчаков

Маень васенце чинте прядызь ранней культуратнэнь видеманть

Воодушевленной ВКП(б)-нь Центральной Комитетань мартовской Пленумонть решениясонзо дыте иестанть покш урожаенть получамонзо кис социалистической соревнованиянть келейстэ организовазь, Ворошиловонь лемсэ райсехозонь колхозниктне вастызь маень васенце чинть ранней колосовойтнэнь видеманть прядозь.

Бригадатне, звеньятне ды башка колхозниктне эсь ютковаст заключенной социалистической договорнэнь топавтомаст кис бороцязь, добвасть трудонь производительностень покш под'ем. Тунда видемасонть стахановской методсо роботазь, прядызь ранней колосовойтнэнь видеманть 291 гектар лангсо правительстванть эндоаравтозь сроконтъ — 7 рабочей чис, МТС-нть эндо лезксэнь апок получа.

Сеялкасо видиця весе колхозниктне видемань норманть 5—6 гектартнэнь таркас, видсть 7 гектардо ламо.

Примеркс, колхозникесь Гудков Михаил сеялкасо

видемань норманть 6 гектартнэнь таркас эрва чистэ видсь 7 гектардо ламо, истяжо 7 гектардо ламо видсть колхозниктне Кастрин Александр, Володин Степан ды Гудков Николай. Видицятне Макаров Иван ды Федюнин Филипп норманть коряс 5 гектартнэнь таркас видсть 7 гектар эрвейкесь. Истямо ладсо нормань выработкась вейке сеялкас пачтазь среднейстэ 6,4 гектарс.

Колхозонте райзонть эндо ульнесь максозь план ютавтомс озимтнэнь изамо 95 гектар лангсо, колхозось жо ютавть озимтнэнь изамо 107 гектар лангсо. Агротехникань те приемось минек районсонть ютавтозь васенцеде. Изамодонт мейле озимтнэнь состояниаст отличной, сынт бурной касомаст лангс овсе не повлиял якшамоськак.

Истямо достижения мартовастызь Ворошиловонь лемсэ колхозниктне маень васенце чинть.

Райсехозонь агрономось

Д. Степанов

Ветить массовой робота колхозниктне ютксо

Весе коммунистнэ, комсомолетнэ ды велень интеллигенциясь должны парсте толковам колхозниктнэнь туртов минек правительстванть постановленианть, ловномс газетасто международной положениандонть ды ловномс художественной литература.

Те роботанть парсте ютавтыть «Красный партизан» колхозонь учительтне, конатне колхозонь бригадатнева регулярнойста нолдтнэть стенной газетат ды ютавтыть колхозниктнэнь марто беседат.

Васенце бригадас массовой роботань ветямо кемекстазь учителесь Иванов С. Сон пачк эрси бригадасо, ютавтни беседат ды регулярнойста нолдтнэ стенной газета. Омбоце бригадасо тожо стенгазетась лисни регулярно, конань нолдтнэ учителесь Кистанов Е.

Карл Марксонь лемсэ колхойсэнтэ истяжо парсте роботы учителесь Фролов В. ды колхозникесь Егоров Ф., конатась сонсь видемасо норматнэнь топавты велькска.

Но эрви тешкстамс сеяк, што «Коминтерн» колхозонь агитатортнэ Лескин ды Пушкарев, конатне допрок а ветить кодамояк массово-разъяснительной робота колхозниктне ютксо ды эсть нолда стенной газетань вейкеяк номер.

ВЛКСМ-нь райкомонте эрви те колхозонь комсомольской организациянте максомс практической лезксэ ды карматомс комсомолетнэнь культурно-массовой роботань ветямо.

Н. М. Зубов

Прядызь видеманть

Черно-Ключень вельсоветэнь «Красный ключ» колхозось апрелень 29-це чистэ прядызе ранней зерновой культуратнэнь видеманть. Весемезэ видезь 376 гектар, видевоксэнтэ качествазо паро.

Видемась прядозь 6 чис. Неть кото читнэнь перть колхозонь отдельной звенатне велькска топавтыть норматнэнь. Примеркс, тей-

терь-авань видиця звенатне 5 гектар норманть таркас видсть 6 гектар ды седе ламо, истя жо велькска топавтыть нормаст изыцятнеяк. Звенатне роботась ансяк эсест мельга кемекстазь участкатнэнь лангсо ды кизэнь пертькак кармить роботамо эсест участкатнэнь лангсо.

Пигельцев

ТРАКТОРИСТНЭ-СТАХАНОВЕЦТНЭ

Тунда сюронь видемас лисезь. Клявлинской МТС-нь трактористнэ включились Сталинской колмоце пятилетканть лемсэ социалистической соревнованияс. Эсест лангс саезь обязательстванть трактористнэ топавтыть честь марто, сынь весе виесть пугтыть сеенень, штобу аравтозь срокнэс прядомс сюронь видеманть ды тень пингстэ ютавтомс сонзэ паро качества марто.

Ламот трактористт ды тракторной бригадат видемань васезь чистэ саезь кармасть велькска топавтомо норматнэнь. 7 № тракторной бригадань (бригадирэсь К. Ф. Кондратьев ялгась) трактористэсь Козин К. А. СТЗ-НАТИ тракторсо эрва чинорманзо топавты 126 процентс. 8 № тракторной бригадань (бригадирэсь Игнашев ялгась) трактористэсь Миронов Г. А. видемань васень 5 читнэнь перть норманзо топавты 131 процентс. 19 № тракторной бригадань трактористэсь Кожевников П. М. «У-2» тракторсонть видсь сюрэ 32 гектар нормань коряс 13,5 гектартнэнь таркас.

Истяг трактористиде, конатне велькска топавтыть выработкань норматнесэ, пек ламо. Течи, Маень 1-це чистэ, МТС-нь дирекциясь сех вадря, образцовой роботанть кис ды тракторнэнь мельга вадря технической уходонть кирдеманзо кис премировасынзе сех парт трактористнэнь, кода Поляевонь М. Л., Горбуновонь П. А., Кожевниковонь П. М. ды лиятнэнь.

П. Володин

В. И. Ленинэнь памятникень открытись

Минек райононь трудиятне те иестэ маень 1-це чинть праздновамонзо ознаменуют пролетарской революциянь гениенте, Советской Социалистической государствань основоположникенте, большевистской партиань создателенте — В. И. Ленинэнь памятникень открытисонть.

Памятникесь аравтозь культурань районной кудонть вакссо. Памятникесь теезь ашо цементэнь, известень ды мраморной крошкань. Постаментэнтэ сэрэзэ 3 метрат 10 сантиметрат, фигуранть сэрэзэ 2 метрат 65 сантиметрат.

Митингесь, посвященной памятникень открытианте, панжови течи чить 11 чассто. Памятникень открытианте приглашаються колхозтнэстэ стахановецтнэ ды ударниктне.

В. Деваев



Чувашской народной танецсь Чувашской моронь ды киштемань ансамблянте исполнениасо (Чебоксары, Чувашской АССР). Керш эндо витев: Янтиковской райононь „Степь“ вельхозартелень колхозницась М. Г. Сорокина, Ленинэнь лемсэ швейной промартелень мастерэсь Н. П. Петрова, Козловской райононь „Красноармеец“ вельхозартелень колхозницась Н. М. Максимова.

Фотось Н. Славинэнь

фото-клише ТАСС.

По-сталински выращивать кадратненъ

ВКП(б)-сь—правящей партия, сон ашти властенъ руководствасо, сонзэ кадратне являются государственной органтнень руководящей командной составокс, конатненъ роботанекс. Качестводост зависит социалистической строительстванъ успехтне.

Сталин ялгась партианъ XVIII-це с'ездсэ эсь докладсонзо кадратненъ подбортонть, сынст выдвиженядонть ды сынст расстановкадонть кортась: „Партианъ кадратне—те партианъ командной состав, но секс минек партианъ ашти властсэнтъ,—сынст истяжо аштити руководящей государственной органтнень командной составокс. Седе мейле, кода выработан политической виде линия, кона прове-рязь практикасо, партианъ кадратне арыть партианъ ды государственной руководстванъ решающей виекс“.

Задачэ ашти сенсэ, штобу кадратненъ подбортонъ теветнъ алдо веревсаемс вейке кедьс ды кепелемс сонзэ должной научной большевистской высотас.

Сталин ялганть указанинзо коряс партианъ XVIII-це с'ездсэ решил, создать ВКП(б)-нъ обкомтвэсэ, горкомтвэсэ ды райкомтвэсэ кадратненъ коряс отделт. ВКП(б)-нъ XVIII-це с'ездтэнт мейле минек Клявлинанъ райкомсонть как ульнесь создан кадратненъ коряс отдел. ВКП(б)-нъ райкомонть ды сонзэ кадратненъ отделнть икеле аштесъ серьезной задаче,—перестроить партианъ аппаратонть, вадрялгавтомс партианъ, советской, хозяйственной кадратненъ выдвиженянь ды кастоманъ теветнъ.

Кадратненъ коряс отделэнтъ организовамо ВКП(б)-нъ райкомось одс подобрал ды выдвинул руководящей партианъ, советской ды хозяйственной роботас 35 ломать. Сынст эйстэ выдвинутойть ансяк

ВКП(б)-нъ райкомонъ аппаратс 8 ломать.

Минек улитъ замечательной партианъ кадранок, конатне кассть идейно ды политически ды кармасть улеме полноценной роботникекс. Тювиков ялгась икеле роботась бухгалтерэкс, ней сон выдвинут стройматериалтнень промкомбинатонъ директорокс. Ещеркин ялгась выдвинут ВКП(б)-нъ райкомонъ пропагандистэкс ды ламо лият. Сынъ парсте справляються сынст порученной теветнъ марто.

Ютавтозь первичной партианъ организациятнень отчетно-выборной собраниятне ды районной партианъ васенце конференциясь невтязь, што районной парторганизациясь обладает руководящей кадратнесэ, конатне преданной Ленинэнь Сталинэнь партианъ теветнэ ды дорожат массатненъ довериясо. Володин ялгась выдвинут политическэ коряс МТС-нъ директоронть заместителекс, Калашников ялгась ВКП(б)-нъ райкомонъ оргинструкторской отделэнь заведующе-кэс ды лият, сынъ таго кочказь первичной парторганизациянь секретарекс ды парсте аравтызь эсерт организациятнесэ роботанть.

Но зряви меремс, што отчетно-выборной кампаниянть шкасто ливтезь лангс истя ялгаткак, конатне не справились сынст порученной теветнъ марто, эсть машто возглавить массатненъ лангс руководстванть. Ряд партианъ организациятнень практической роботас подвергалась суровой критикас ды ловозь аволь удовлетворительной кс. Истя, примеркс, справедливой ды кеме критикас подверглись чугунка кинь Клявлинанъ станциянь ды райпотребсоюзонъ парторганизациянь руководителтнень деятельностьс. Неть организациятнесэ партианъ-массовой роботасэ ульнесь пек запущен, кадратненъ воспитаниянть

ды сынст практической лезксэнь максоманть таркас руководителтне отбортнень шкасто ламот партианъ организациятнесэ руководствас састэ одломать ды чаркодеви, што неть ялгатненень зряви макснемс лезкс.

Трудицанъ депутатнень местной Советнэс кочкамотненъ марто районной партианъ организациясь ютавтась покш работа местной советнэнь дальнейшей кемекстамост коряс проверязь, партиантень преданной ломатнесэ. Ютавтозь роботанть результатсо трудицанъ депутатнень местной Советнэс кочказь коммунистнень ды беспартийнойтнень нерушимой сталинской блокковъ представительтне: врачт, парткомсомольской работникт, тракторной бригаданъ бригадирт, велень хозяйстванъ стахановецт.

Меельс иетнестэ минек районсо кассть велень хозяйстванъ прекрасной кадранок, кода Держинскоень лемсэ колхозонъ лабораториянь кудонъ заведующе-кэс Сураев ялгась, Ворошиловонъ лемсэ колхозонъ звеньевосэ Мухаева ялгась.

Но зряви тежкстамс, што те теветнъ улитъ ламо асатыкст. Партианъ советской организациятне аволь сатышка мель велень хозяйстванть вядра кадрасо кемекстамонть лангс, мезень коряс колхозтнэсэ ули покш текучесть, особенно руководящей кадратненъ составсо. 1939 иень перть полавтозь колхозонъ 20 председателть, а Кагановичень лемсэ колхозэнт вейке иес полавтозь 3 председателть.

Районной васенце партконференциясь подверг суровой критикас минек ильведекснень ды невтязе кадратненъ выдвижениянъ, выращиваниянъ ды воспитаниянъ китненъ.
И. Д. Иванов

Трудонъ звеньеовой принципесь а ванстови

Роботанъ звеньеовой принципесь сави роботанъ сех правильной методокс. Но те принципесь ванстови аволь весе колхозтнэсэ. Примеркс, Од Маклаушон Кагановичень лемсэ колхозэнт ульнесь организовазъ постоянной звеньят вельхозроботатненъ весе периодонть перть. Но пассив васень лисемстанть жо неть звенатне каладсть. Кориандранъ видекас уль-

несь кемекстэзь омбоце бригаданъ звенятненень, но сонзэ видизь васенце бригаданъ видиятне. Тень пингстэ видиятне Маслов ды Максимов грубойстэ нурушили агротехниканть, кориандранть видизь фигурной способсо, сестэ кода те способось запрещен. Теде башка видемстэ каднэзь ламо целизват.

Роботанъ звеньеовой принципесь нарушается 3-це

бригадасонть как. Тесэ велангс роботась колмо сеякат ды видеманть истя жо ютавтызь фигурной способсо. Бригадиртнэ Спиридонов, Гринин ды колхозонъ председателесь Родионов кодаткак мерат а примить веть безобразиятненъ ликвидировамо коряс.

П. Симурзин

Трактортнэ аштекшнить апак работа

Апрелень 18-це чистэ Кагановичень лемсэ колхозонте састь роботамо Ташто Маклаушон МТС-стэ колесной кавто тракторт, но седе мейле шкась ютась ушпель ков, а трактортнэ роботамо овсе эсть кармсе, секс што сынъ ульнесь апак ремонтирова.

Трактортнэ роботамост

коряс колхозэнтэ ранней колосовой культуратненъ видекас ашти срывени угроза ало.

Колхозонъ правлениясь ламоксть о б р а щ а л а с я МТС-нъ директоронте Сидоров ялганте, штобу сон примаволь зрявикс мерат трактортнэнь ремонтонть коряс, но сон те теветнъ

лангс относится безразличнойстэ ды ремонтонть коряс кодаткак мерат эзь прима.

Наднятанок, што видеманть сеземанзо кис ВКП(б)-нъ райкомось Сидоров марто прими соответствующей мерат.

П. Иванов

Сталинской областсэ тунда сюронь видекас.



«Пролетарская нива» колхозонъ паксятнесэ пинемень видекас (Славянской район).
Фотосъ Е. Коммонъ фото-клише ТАСС.

НКВД-нъ пограничной войскактнень начальствующей ды рядовой составонть Героень званиянъ присвоениясь

Государственной граництнень ванстоманть коряс правительстванть боевой заданиянзо успешной топавтоманть кис ды тень пингстэ проявленной отваганть ды геройстванть к к с СССР-нъ Верховной Советэнь Президиумонть Указонзо присвоен Советской

Союзонъ Героень звания Ленинэнь орденэнь ды «Золотая Звезда» медалень максомо марто НКВД-нъ пограничной Войскактнень 13 командиртнэнь, политработниктнэнь ды якстереармеецтнэнь.
(ТАСС).

НКВД-нъ пограничной войскактнень ды органтнэнь начальствующей ды рядовой составонть награждениясь

Государственной граництнень ванстоманть коряс правительстванть боевой заданиянзо успешнойстэ топавтоманть кис СССР-нъ Верховной Советэнь Президиумось наградил ордентнэсэ ды медальтнэсэ НКВД-нъ пограничной войскактнэнь 1.936 командирт, поллитработникт ды якстереармеецт, ды истяжо НКВД-нъ органонъ работникт.

Ленинэнь орденэсэ награждент 39 ломань, «Красное Знамя» орденэсэ—430, «Красная Звезда» орденэсэ—376, «Знак почета» орденэсэ—44 ломань, «За отвагу» медалсэсэ награждент 487 ломань, «За боевые заслуги» медалсэсэ—499, «За трудовую доблесть» медалсэсэ—44 ды «За трудовое отличие» медалсэсэ—17 ломань.
(ТАСС).

НКВД-нъ работниктнэнь награждениясь

Государственной граництнень безопасностест ванстоманть коряс правительстванть заданиянзо успешнойстэ топавтоманть кис СССР-нъ Верховной Советэнь Президиумось наградил СССР-нъ ордентнэсэ ды медальтнэсэ НКВД-нъ 754 работник.

Ленинэнь орденэсэ награждент 15 ломань, «Красное Знамя» орденэсэ—34, «Красная звезда» орденэсэ—126, «Знак Почета» орденэсэ—204 ломань, «За отвагу» медалсэсэ—321 ломань ды «За трудовую доблесть» медалсэсэ—54 ломань.
(ТАСС).

НКВД-нъ пограничной частнень СССР-нъ ордентнэсэ награждениясь

Государственной граництнень ванстоманть коряс правительстванть боевой заданиянзо успешнойстэ топавтоманть кис «Красное Знамя» орденэсэ награждент

НКВД-нъ войскактнень 4-це, 5-це, 6-це полктне, ды истя жо 73-це Ребольской пограничной отрядосъ.
(ТАСС).

Ответ. редакторось В. ДЕВАЕВ